




Republika e Kosovës
Republika Kosova - Republic of Kosovo



AGJENCIA KUNDËR KORRUPSIONIT
AGENCIJA PROTIV KORUPCIJE
ANTI - CORRUPTION AGENCY

DATË/A:	16.04.2018
REFERENC-Ë:	AKK- DPKPP /03-03-1072/18
PËR/ZA/TO:	z. Isak KEROLLI Menaxher i zyrës së Prokurimit në Korporata Energjetike e Kosovës sh.a
CC:	z. Arben Gjuka Drejtor Menaxhues në Korporata Energjetike e Kosovës sh.
NGA/OD/FROM:	Shaip HAVOLLI Drejtor i Agjencisë kundër Korrupsionit
TEMA/SUBJEKAT/SUBJECT:	Opinion lidhur me tenderin me titull: “Furnizimi me pajisje dhe mbikëqyrje ne implementim për ekskavatorin SRs 1300 E-9 B” me nr. të prokurimit KEK/18/2012/111, nr. të brendshëm KEKO/18/071/111.

I nderuari z. Kerolli,

Në mbështetje të nenit 142 (par. 3) të Kushtetutës së Republikës së Kosovës, nenit 5 (par. 1, nënpar. 1.1.) dhe 21 të Ligjit nr. 03/L-159 për Agjencinë kundër Korrupsionit, nenit 8 (par. 4), 9 (par. 1, nënpar. 1.6), 12 (par. 2) dhe 19 (par. 1, nënpar. 1.6) të Ligjit nr. 04/L-051 për Parandalimin e Konfliktit të Interesit në Ushtrimin e Funkcionit Publik, si dhe të nenit 23 të Rregullores nr. 01/2014 së Punës së Agjencisë kundër Korrupsionit, lidhur me tenderin me titull: **“Furnizimi me pajisje dhe mbikëqyrje ne implementim për ekskavatorin SRs 1300 E-9 B”** me nr. të prokurimit KEK/18/2012/111, nr. të brendshëm KEKO/18/071/111, Agjencia kundër Korrupsionit, ofron këtë:

OPINION

Me të cilin kërkohet nga ju si Autoritet kontraktues që t'i ndërmerrni të gjitha veprimet e nevojshme drejt evitimit të shkeljeve të evidentuara në lidhje me tenderin me titull: **“Furnizimi me pajisje dhe mbikëqyrje ne implementim për ekskavatorin SRs 1300 E-9 B”** me nr. të prokurimit KEK/18/2012/111, nr. të brendshëm KEKO/18/071/111, në mënyrë që të respektohen

dispozitat përkatëse të Ligjit për Prokurimin Publik nr. 04-L/042 i plotësuar dhe ndryshuar me ligjin nr. 04/L -237, ligjin Nr. 05/L-068 dhe ligjin nr. 05/L-092.

Arsyetimi

Agjencia kundër Korrupsionit, me datë 06 prill 2018, ka nxjerrë vendim me numër protokolli: AKK-03-03-1072/18, për fillimin e procedurës për trajtimin e rastit në lidhje me aktivitetin e prokurimit me titull: “Furnizimi me pajisje dhe mbikëqyrje në implementim për ekskavatorin SRs 1300 E-9 B” me nr. të prokurimit KEK/18/2012/111, nr. të brendshëm KEKO/18/071/111, i iniciuar nga autoriteti kontraktues Korporata Energjetike e Kosovës sh.a.

Agjencia në bazë të dokumenteve të nxjerra nga platforma **E-Prokurimi**, ka analizuar njoftimin për kontratë, dosjen e tenderit dhe pjesën e specifikimeve teknike, ku ka konstatuar se autoriteti kontraktues, për këtë aktivitet të prokurimit ka paraparë procedurë të hapur, kontratë publike, llojit furnizim, me vlerë të madhe të parashikuar 765,000.00€. Agjencia, pasi ka analizuar me kujdes njoftimin për kontratë dhe dosjen e tenderit, ka vërejtur që njoftimin për kontratë në nenin III.2.4) Kapaciteti teknik dhe profesional është kërkuar: “Një listë të referencave që dëshmojnë furnizimet dhe komisionimet e natyrës së ngjashme”, ndërsa tek dëshmia e kërkuar dokumentare është kërkuar: “Ofertuesi duhet të prezantojë një listë përmes së cilës dëshmojnë furnizimet dhe shërbimet e komisionimit të natyrës së ngjashme të realizuar gjatë 3 (tri) viteve të kaluara duke saktësuar: produkte e liferuara dhe shërbimet e komisionimeve, shumën e kontratës dhe datën e pranimit nga konsumatori i fundit, duke ja bashkangjitur së paku 1 (një) referencë apo certifikatë të pranimit të punëve nga konsumatori i fundit në vlerë prej së paku 500,000.00 mije euro”, kërkesë kjo për të cilën Agjencia konsideron se nuk është në pajtim me dispozitat e Ligjit në fuqi për Prokurimin Publik më saktësisht me nenin 69.

Sipas Legjislacioni në fuqi për Prokurim Publik më saktësisht në nenin 69 paragrafi 2.1 parashihet se “Për të vërtetuar aftësitë teknike dhe profesionale të operatorëve ekonomik, autoriteti kontraktues mundet të kërkojë listën me të cilën specifikohen të gjitha furnizimet kryesore të rëndësishme të operatorit ekonomik të realizuara në tri vitet e shkuara, duke saktësuar produktet e furnizuara, shumën e kontratës, datën dhe pranuesit; (i) kur furnizimi është bërë për një autoritet publik në Kosovë ose në një vend tjetër, për dëshmi të këtij livrimi shërben kopja e certifikatës (certifikatave) të rëndësishme të lëshuar ose të bashke nënshkruara nga autoriteti i tillë; (ii) kur furnizimi është bërë për një blerës privat, për dëshmi të këtij livrimi shërben kopja e çdo dokumenti të nënshkruar nga blerësi dhe evidentimi i livrimit të tillë.

Agjencia kundër Korrupsionit, konsideron se në këtë rast do të duhej të kërkohej lista e kontratave bashkangjitura referencat për përfundimin e kontratave në vlerë totale të gjithë referencave të furnizimeve të ngjashme të realizuara në tri vitet e fundit para publikimit të njoftimit për kontratë, e jo si në rastin konkret ku është kërkuar së paku 1 (një) referencë apo certifikatë të pranimit të punëve nga konsumatori i fundit në vlerë prej së paku 500,000.00 mije euro.

Agjencia kundër Korrupsionit, konsideron se veprimet e tilla si në rastin konkret e kufizojnë konkurrencë e lirë dhe diskriminojnë operatorët ekonomik të cilët mund të ofrojnë furnizime të tilla të kënaqshme.

Agjenci kundër Korrupsionit, konsideron se veprimet e autoritetit kontraktues bien ndesh me nenin 7 Barazia në trajtim dhe jo-diskriminimi, nenin 27 Dosja e tenderit si dhe nenin 69 Aftësitë teknike dhe profesionale të Ligjit për Prokurim Publik Nr.04/L-042, i ndryshuar dhe plotësuar me Ligjin Nr. 04/L-237, Ligjin Nr. 05/L-068 dhe Ligjin Nr. 05/L-092, dhe nenin 26.8 të Rregullave dhe Udhëzuesit Operativ për Prokurimin Publik.

Agjencia pas trajtimit të dokumentacionit për tenderin me titull: **“Furnizimi me pajisje dhe mbikëqyrje ne implementim për ekskavatorin SRs 1300 E-9 B”** me nr. të prokurimit KEK/18/2012/111, nr. të brendshëm KEKO/18/071/111, ju njofton me të gjeturat e këtij aktiviteti të prokurimit dhe rekomandon që të evitohen këto shkelje, përmes njoftimit standard për informata shtesë dhe përmirësimin e gabimeve, duke i njoftuar te gjithë operatorët ekonomik të cilët e kanë tërhequr dosjen e tenderit.

Po ashtu ju njoftojmë se për këto të gjetura do të njoftohet edhe KRPP.

Autoritetet Kontraktuese e informojnë Agjencinë për veprimet e ndërmarra.

Me respekt !